0.0.1 anāthapindika suttam

- 1. tena kho pana samayena anāthapiṇḍiko gahapati ābādhiko hoti dukkhito bāļhagilāno. atha kho anāthapiṇḍiko gahapati aññataraṃ purisaṃ āmantesi: "ehi tvaṃ ambho purisa, yenāyasmā sāriputto tenupasaṅkama, upasaṅkamitvā mama vacanena āyasmato sāriputtassa pāde sirasā vanda, "anāthapiṇḍiko bhante, gahapati ābādhiko hoti dukkhito bāļhagilāno, so āyasmato sāriputtassa pāde sirasā vandatī"ti. evañca vadehi: "sādhu kira bhante, āyasmā sāriputto yena anāthapiṇḍikassa gahapatissa nivesanaṃ tenupasaṅkamatu anukampaṃ upādāyā"ti.
- 2. evam bhantehi kho so puriso anāthapindikassa gahapatissa patissutvā yenāyasmā sāriputto tenupasankami. upasankamitvā āyasmantam sāriputtam abhivādetvā ekamantam nisīdi. ekamantam nisinno kho so puriso āyasmantam sāriputtam etadavoca: "anāthapindiko bhante, gahapati ābādhiko hoti dukkhito bāļhagilāno. so āyasmato sāriputtassa pāde sirasā vandati, evanca vadeti: "sādhukira bhante, āyasmā sāriputto yena anāthapindikassa gahapatissa nivesanam tenupasankamatu anukampam upādāyā"ti. adhivāsesi kho āyasmā sāriputto tunhībhāvena.
- 3. atha kho āyasmā sāriputto pubbaņhasamayam nivāsetvā pattacīvaramādāya āyasmatā ānandena, pac-

chāsamanena yena anāthapindikassa gahapatissa nivesanam tenupasankami. upasankamitvā pannatte āsane nisīdi. nisajja kho āyasmā sāriputto anāthapindikam gahapatim etadavoca: kacci te gahapati, khamanīyam kacci yāpanīyam kacci dukkhā vedanā patikkamanti no abhikkamanti, patikkamosānam paññāvati no abhikkamo'ti? na me bhante, khamanīyam na yāpanīyam bālhā me dukkhā vedanā abhikkamanti no patikkamanti abhikkamosānam paññāyati no paţikkamo"ti.

- 4. yathārūpena ca kho gahapati, buddhe appasādena samannāgato assutavā puthujjano kāyassa bhedā parammaranā apāyam duggatim vinipātam nirayam upapajjati. tathārūpo te buddhe appasādo natthi. atthi ca kho te gahapati, buddhe aveccappasādo: "itipi so bhagavā araham sammā sambuddho vijjācaranasampanno sugato lokavidu anuttaro purisadammasārathī satthā devamanussānam buddho bhagavā"ti. tañca pana te buddhe aveccappasādam attani samanupassato thanaso vedana patippassambheyyum¹.
- yathārūpena kho gahapati, dhamme appasādena samannāgato assutavā puthujjano kāyassa bhedā parammaranā apāvam duggatim vinipātam niravam upapajjati, tathārūpo te dhamme appasādo natthi atthi ca kho te gahapati, dhamme aveccappasādo: "svākkhāto bhagavatā dhammo sanditthiko akāliko ehipassiko opanaviko paccattam veditabbo viññūhī"ti. tañca

¹patippassambhevva-sīmu, machasam.

pana te dhamme aveccappasādam attani samanupassato ţhānaso vedanā paţippassambheyyum.

- 6. yathārūpena kho gahapati, saṅghe appasādena samannāgato assutavā puthujjano kāyassa bhedā parammaraṇā apāyaṃ duggatiṃ vinipātaṃ nirayaṃ upapajjati, tathārūpo te saṅghe appasādo natthi. atthi ca kho te gahapati, saṅghe aveccappasādo: "supaṭipanno bhagavato sāvakasaṅgho, ujupaṭipanno bhagavato sāvakasaṅgho, ñāyapaṭipanno bhagavato sāvakasaṅgho, sāmīcipaṭipanno bhagavato sāvakasaṅgho, yadidaṃ cattāri purisayugāni aṭṭhapurisapuggalā esabhagavato sāvakasaṅgho āhuneyyo pāhuneyyo dakkhiṇeyyo añjalikaraṇīyo anuttaraṃ puññakkhettaṃ lokassā"ti. tañca pana te saṅghe aveccappasādaṃ attani samanupassato thānaso vedanā patippassambheyyum.
- 7. yathārūpena kho gahapati, dussīlyena samannāgato assutavā puthujjano kāyassa bhedā parammaraņā apāyam duggatim vinipātam nirayam upapajjati, tathārūpam te dussīlyam natthi. atthi ca kho te gahapati ariyakantāni sīlāni akhandāni acchiddāni asabalāni akammāsāni bhujissāni viñnuppasatthāni aparāmaṭṭhāni samādhisamvattanikāni. tāni ca pana te ariyakantāni sīlāni attani samanupassato ṭhānaso vedanā paṭippassambheyyum.

- 8. yathārūpāya kho gahapati, micchādiṭṭhiyā samannāgato assutavā puthujjano kāyassa bhedā parammaraṇā apāyaṃ duggatiṃ vinipātaṃ nirayaṃ upapajjati, tathārūpā te micchādiṭṭhi natthi atthi ca kho te gahapati, sammādiṭṭhi. tañca pana te sammādiṭṭhiṃ attani samanupassato ṭhānaso vedanā paṭippassambheyyuṃ.
- 9. yathārūpena kho gahapati, micchāsaṅkappena samannāgato assutavā puthujjano kāyassa bhedā parammaraṇā apāyaṃ duggatiṃ vinipātaṃ nirayaṃ upapajjati, tathārūpo te micchāsaṅkappo natthi. atthi ca kho te gahapati, sammāsaṅkappo. tañca pana te sammāsaṅkappaṃ attani samanupassato ṭhānaso vedanā paṭippassambheyyuṃ.
- 10. yathārūpāya kho gahapati, micchāvācāya samannāgato assutavā puthujjano kāyassa bhedā parammaraņā apāyam duggatim vinipātam nirayam upapajjati, tathārūpā te micchāvācā natthi. atthi ca kho te gahapati, sammāvācā tañca pana te sammāvācam attani samanupassato ṭhānaso vedanā paṭippassambheyyum.
- 11. yathārūpena kho gahapati, micchākammantena samannāgato assutavā puthujjano kāyassa bhedā parammaraṇā apāyaṃ duggatiṃ vinipātaṃ nirayaṃ upapajjati, tathārūpo te micchākammanto natthi. atthi ca kho te gahapati, sammākammanto tañca pana te

sammākammantam attani samanupassato ţhānaso vedanā paţippassambheyyum.

- 12. yathārūpena kho gahapati, micchā ājīvena samannāgato assutavā puthujjano kāyassa bhedā parammaraņā apāyam duggatim vinipātam nirayam upapajjati, tathārūpo te micchāājīvo natthi. atthi ca kho te gahapati, sammāājīvo tañca pana te sammāājīvam attani samanupassato ţhānaso vedanā paṭippassambheyyum.
- 13. yathārūpena kho gahapati, micchāvāyāmena samannāgato assutavā puthujjano kāyassa bhedā parammaraṇā apāyaṃ duggatiṃ vinipātaṃ nirayaṃ upapajjati, tathārūpo te micchāvāyāmo natthi. atthi ca kho te gahapati, sammāvāyāmo. tañca pana te sammāvāyāmaṃ attani samanupassato ṭhānaso vedanā paṭippassambheyyuṃ.
- 14. yathārūpāya kho gahapati, micchāsatiyā samannāgato assutavā puthujjano kāyassa bhedā parammaraņā apāyam duggatim vinipātam nirayam upapajjati, tathārūpā te micchāsati natthi. atthi ca kho te gahapati, sammāsati tañca pana te sammāsatim attani samanupassato ṭhānaso vedanā paṭippassambheyyum.
- 15. yathārūpena kho gahapati, micchāsamādhinā samannāgato assutavā puthujjano kāyassa bhedā parammaraṇā apāyaṃ duggatiṃ vinipātaṃ nirayaṃ upapajjati, tathārūpo te micchāsamādhi natthi. atthi ca kho

te gahapati, sammāsamādhi tañca pana te sammāsamādhim attani samanupassato ţhānaso vedanā paţippassambheyyum.

- 16. yathārūpena kho gahapati, micchāñāṇena samannāgato assutavā puthujjano kāyassa bhedā parammaraṇā apāyaṃ duggatiṃ vinipātaṃ nirayaṃ upapajjati, tathārūpaṃ te micchāñāṇaṃ natthi. atthi ca kho te gahapati, sammāñāṇaṃ tañca pana te sammāñāṇaṃ attani samanupassato ṭhānaso vedanā paṭippassambheyyuṃ.
- 17. yathārūpāya kho gahapati, micchāvimuttiyā samannāgato assutavā puthujjano kāyassa bhedā parammaraņā apāyam duggatim vinipātam nirayam upapajjati, tathārūpā te micchāvimutti natthi. atthi ca kho te gahapati, sammāvimutti tañca pana te sammāvimuttim attani samanupassato ṭhānaso vedanā paṭippassambheyyum.
- 18. atha kho anāthapiṇḍikassa gahapatissa ṭhānaso vedanā paṭippassambhiṃsu². atha kho anāthapiṇḍiko gahapati āyasmantaṃ sāriputtaṃ āyasmantañca ānandaṃ sakeneva thālipākena parivisi. atha kho anāthapiṇḍiko gahapati, āyasmantaṃ sāriputtaṃ bhuttāviṃ onītapattapāṇiṃ aññataraṃ nīcaṃ āsanaṃ gahetvā

bjt page 206

pts page 384

²patippassambhi-syā.

ekamantam nisīdi. ekamantam nisinnam kho anāthapiņḍikam gahapatim āyasmā sāriputto imāhi gāthāhi anumodi:

yassa saddhā tathāgate, acalā suppatiţṭhitā; sīlañca yassa kalyāṇaṃ, ariyakantam pasamsitam.

saṅghe pasādo yassatthi, ujubhūtañca dassanaṃ; adaļiddo'ti taṃ āhu, amoghaṃ tassa jīvitaṃ.

tasmā saddhañca sīlañca, pasādaṃ dhammadassanaṃ; anuyuñjetha medhāvī, saraṃ buddhānasāsana'nti".

19. atha kho āyasmā sāriputto anāthapiṇḍikaṃ gahapatiṃ imāhi gāthāhi anumoditvā uṭṭhāyāsanā pakkami. atha kho āyasmā ānando yena bhagavā tenupasaṅkami. upasaṅkamitvā bhagavantaṃ abhivādetvā ekamantaṃ nisīdi. ekamantaṃ nisinnaṃ kho āyasmantaṃ ānandaṃ bhagavā etadavoca: "handa kuto nu tvaṃ ānanda, āgacchasi divādivassā"ti. āyasmatā bhante, sāriputtena anāthapiṇḍiko gahapati iminā ca iminā ca ovādena ovaditoti. paṇḍito ānanda, sāriputto mahāpañño ānanda, sāriputto, yatra hi nāma cattāri

sotāpattiya
ṅgāni dasahi ākārehi $^{\!3}$ vibhajissatīti.

³dasahākārehi-syā, machasaṃ. pts page 385